






本紀第七

唐書七

德宗神武聖文皇帝諱适代宗長子也母曰睿真皇太后沈氏初沈氏以開元末選入代宗宮安祿山之亂玄宗避賊于蜀諸王妃妾不及從者皆爲賊所得拘之東都之掖廷代宗克東都得沈氏畱之宮中史思明再陷東都遂失所在肅宗元年建丑月封德宗奉節郡王代宗卽位史朝義據東都乃以德宗爲天下兵馬元帥進封魯王八月徙封雍王寶應元年十月屯于陝州諸將進擊史朝義敗之朝義走河北遂克東都十一月史朝義歿幽州守將李懷仙斬其首來獻河北平以功兼尙書令與功臣郭子儀李光弼等皆賜鐵券圖形凌煙閣廣德二年二月立爲皇太子大曆十四年五月辛酉代宗崩癸亥卽皇帝位于太極殿閏月甲戌貶常袞爲河南少尹以河南少尹崔祐甫爲門下侍郎同中書門下平章

事丙子罷諸州府及新羅渤海貢鷹鷄戊寅罷山南貢枇杷江南  
甘橘非供宗廟者辛巳罷邕府歲貢奴婢癸未罷梨園樂工三百  
人劔南貢生春酒甲申郭子儀爲尙父兼太尉中書令丙戌罷獻  
祥瑞貢器以金銀飾者還之丁亥出宮人放舞象三十有二千荆  
山之陽六月己亥大赦賜文武官階爵民爲戶者古爵一級減乘  
輿服御士庶田宅車服踰制者有司爲立法度禁百官置邸販鬻  
武德至德將相有功者子孫予官庚子進封子宣城郡王誦爲宣  
王封子謨爲舒王諶通王諒虔王詳肅王謙資王乙巳封弟迺爲  
益王迅隋王遂蜀王丙午詔六品以上清望官日二人待制癸丑  
命皇族五等以上居四方者家一人赴山陵己未罷揚州貢鏡幽  
州貢麝癸亥舉可刺史京令者七月戊辰朔日有食之庚午弛邕  
州金坑禁辛卯罷權酷八月甲辰道州司馬楊炎爲門下侍郎懷

州刺史喬琳爲御史大夫同中書門下平章事乙巳還吐蕃俘十月丁酉吐蕃雲南蠻寇黎茂文扶四州鳳翔節度使朱泚金吾衛大將軍曲環敗之于七盤城己酉葬睿文孝武皇帝于元陵戊午罷九成宮貢立獸炭襄州蔗弱工辛酉以沙苑豢豕三千給貧民十一月壬午喬琳罷十二月乙卯立宣王誦爲皇太子丙寅晦日有食之

建中元年正月丁卯改元羣臣上尊號曰聖神文武皇帝己巳朝獻于太清宮庚午朝享于太廟辛未有事于南郊大赦賜文武官階勳爵遣黜陟使于天下賜子爲父後者勳兩轉二月丙申初定兩稅四月乙未四鎮北庭行軍別駕劉文喜反于涇州伏誅己亥地震六月甲午崔祐甫薨七月丙寅王國良降己丑殺忠州刺史劉晏八月丁巳遙尊母沈氏爲皇太后九月己卯雷庚寅睦王述

爲奉迎皇太后使是冬無雪黃河滹沱易水溢

二年正月戊辰成德軍節度使李寶臣卒其子惟岳自稱畱後幽  
州盧龍軍節度使朱滔討之魏博節度使田悅反神策都虞候李  
晟河東節度使馬燧昭義軍節度使李抱真河陽節度副使李芄  
討之永平軍節度使李勉爲汴滑陳懷鄭汝陝河陽二城宋毫潁  
節度都統二月乙巳御史大夫盧杞爲門下侍郎同中書門下平  
章事乙卯振武軍亂殺其使彭令芳及監軍劉惠光丁巳發兵屯  
關東誓師于望春樓山南東道節度使梁崇義反五月京師雨雪  
庚申置待詔官三十人六月熒惑太白鬪于東井癸巳淮寧軍節  
度使李希烈爲漢南漢北兵馬招討使以討梁崇義辛丑郭子儀  
薨七月庚申楊炎罷檢校尙書右僕射侯希逸爲司空前永平軍  
節度使張鑑爲中書侍郎同中書門下平章事侯希逸薨癸未馬

燧李抱真及田悅戰于臨洛敗之八月劔南西川節度使張延賞  
東川節度使王叔邕山南東道節度使賈耽荆南節度使李昌巵  
陳少游討梁崇義以李希烈爲諸軍都統辛卯平盧軍節度使李  
正己卒其子納自稱畱後壬子梁崇義伏誅九月李納陷宋州李  
惟岳將張季忠以易定二州降壬戌賜立功士卒帛稟歿事家三  
歲十月戊申李納將李洧以徐州降十一月辛酉納寇徐州宣武  
軍節度使劉洽敗之于七里溝丁丑馬燧及田悅戰于雙岡敗之  
甲申李納將王涉以海州降十二月丁酉馬萬通以密州降馬燧  
爲魏博招討使是歲殺崖州司馬楊炎

三年正月丙寅朱滔成德軍節度使張季忠及李惟岳戰于東鹿  
敗之辛未減常膳及太子諸王食物復推酤癸未李納陷海密二  
州閏月乙未李惟岳將康日知以趙州降甲辰惟岳伏誅其將楊

榮國以深州降庚戌馬燧及田悅戰于洹水敗之是月悅將李再春以博州降田昂以洺州降二月戊午李惟岳將楊政義以定州降甲戌給復易定深趙恆冀六州三年赦吏民爲李惟岳迫脅者己卯震通化門四月戊午李納將李士真以德棣二州降甲子借商錢甲戌昭義軍節度副使盧玄卿爲魏博澶相招討使戊寅張鎰罷壬午殺殿中侍御史鄭詹是月朱滔反陷德棣二州五月辛卯朔方軍節度使李懷光討田悅六月甲子京師地震恆冀觀察使王武俊反辛巳李懷光馬燧李芄李抱真及朱滔王武俊田悅戰于連箠山敗績七月壬辰殿中丞李雲端謀反伏誅癸巳停借商錢令八月癸丑演州司馬李孟秋峯州刺史皮岸反伏誅九月丁亥初稅商錢茶漆竹木十月丙辰吏部侍郎關播爲中書侍郎同中書門下平章事李希烈反丙子肅王詳薨

四年正月丁亥鳳翔節度使張鎰及吐蕃尙結贊盟于清水庚寅  
李希烈陷汝州執刺史李元平戊戌東都汝行營節度使哥舒曜  
討李希烈二月丁卯克汝州三月辛卯李希烈寇鄂州刺史李兼  
敗之丁酉荆南節度使張伯儀及李希烈戰于安州敗績四月庚  
申李勉爲淮西招討處置使哥舒曜副之張伯儀爲淮西應援招  
討使賈耽江南西道節度使嗣曹王皋副之甲子京師地震生毛  
丙子哥舒曜及李希烈戰于潁橋敗之五月辛巳京師地震乙酉  
潁王璦薨乙未劉洽爲淄青兗鄆招討制置使六月庚戌稅屋間  
架算除陌錢丁卯徙封逾爲丹王遘簡王七月馬燧爲魏博澶相  
節度招討使壬辰盧杞關播李忠臣及吐蕃區頡贊盟于京師八  
月丁未李希烈寇襄城乙卯希烈將曹季昌以隋州降庚申有星  
隕于京師九月丙戌神策軍行營兵馬使劉德信及李希烈戰于

扈澗敗績庚子舒王謨爲荆襄江西沔鄂節度諸軍行營兵馬都  
元帥徙封普王十月涇原節度使姚令言反犯京師戊申如奉天  
朱泚反庚戌泚殺司農卿段秀實及左驍衛將軍劉海賓鳳翔後  
營將李楚琳殺其節度使張鎰自稱畱後癸丑李希烈陷襄城宣  
武軍兵馬使高翼歿之甲寅朱泚殺涇原節度都虞候何明禮乙  
卯殺尚書右僕射崔寧丁巳戶部尚書蕭復爲吏部尚書吏部郎  
中劉從一爲刑部侍郎京兆府戶曹參軍翰林學士姜公輔爲諫  
議大夫同中書門下平章事朱泚犯奉天禁軍敗績于城東辛酉  
靈鹽節度畱後杜希全鄜坊節度使李建徽及朱泚戰于漠谷敗  
績癸亥劉德信及泚戰于思子陵敗之甲子行在都虞候渾瑊及  
泚戰于城下敗之左龍武軍大將軍呂希倩歿之乙丑將軍高重  
傑歿之是月商州軍亂殺其刺史謝良輔十一月劒南西山兵馬

使張朮逐其節度使張延賞朮伏誅癸巳李懷光及朱泚戰于魯店敗之懷光爲中書令朔方邠寧同華陝虢河中晉絳慈隰行營兵馬副元帥十二月朱泚陷華州壬戌貶盧杞爲新州司馬庚午李希烈陷汴鄭二州

興元元年正月癸酉大赦改元去聖神文武號復李希烈田悅王武俊李納官爵赴奉天收京城將士有罪減三等子孫減二等在行營者賜勳五轉賜文武官階勳爵罷閒架竹木茶漆稅及除陌錢給復奉天五年城中十年關播罷丙戌吏部侍郎盧翰爲兵部侍郎同中書門下平章事戊子蕭復爲山南東西荆湖淮南江西鄂岳浙江東西福建嶺南宣慰安撫使戊戌劉洽爲汴滑宋毫都統副使二月甲子李懷光爲太尉懷光反丁卯如梁州懷光將孟庭係以兵來追左衛大將軍侯仲莊敗之于驛店三月李懷光奪

鄜坊京畿金商節度使李建徽神策軍兵馬使陽惠元兵惠元死  
之癸酉魏博兵馬使田緒殺其節度使田悅自稱畱後甲戌李懷  
光殺左廂兵馬使張名振右武鋒兵馬使石演芬丁亥李晟爲京  
畿渭北鄜坊丹延節度招討使神策行營兵馬使尙可孤爲神策  
京畿渭南商州節度招討使壬辰次梁州丁酉劉洽權知汴滑宋  
毫都統兵馬事己亥渾瑊爲朔方邠寧振武永平奉天行營兵馬  
副元帥四月李懷光陷坊州甲辰李晟爲京畿渭北商華兵馬副  
元帥甲寅姜公輔罷涇原兵馬使田希鑒殺其節度使馮河清自  
稱畱後乙丑渾瑊及朱滔戰于武亭川敗之丁卯義王玘薨是月  
坊州刺史竇覲克坊州五月癸酉涇王佖薨丙子李抱真王武俊  
及朱滔戰于經城敗之王辰尙可孤及朱泚戰于藍田之西敗之  
乙未李晟又敗之于苑北戊戌又敗之于白華復京師六月癸卯

姚令言伏誅甲辰朱泚伏誅己酉李晟爲司徒中書令癸丑以梁州爲興元府給復一年耆老加版授甲寅渾瑊爲侍中己巳給復洋州一年加給興元一年免鳳州今歲稅父老加版授七月丙子次鳳翔免今歲秋稅八十以上版授刺史餘授上佐丁丑葬宗室遇害者壬午至自興元丁亥李懷光殺宣慰使孔巢父辛卯大赦賜百官將士階勳爵收京城者升八資給復京兆府一年是月嗣曹王皋及李希烈戰于應山敗之八月癸卯李晟爲鳳翔隴右諸軍涇源四鎮北庭行營兵馬副元帥馬燧爲晉慈隰諸軍行營兵馬副元帥渾瑊爲河中同絳陝虢諸軍行營兵馬副元帥丙午渾瑊兼朔方行營兵馬副元帥己酉延王玢隋王迅薨十月辛丑李勉檢校司徒同中書門下平章事閏月戊子李希烈將李澄以滑州降十一月癸卯劉洽邠隴行營節度使曲環及李希烈戰于陳

州敗之戊午克汴州乙丑蕭復罷十二月乙酉渾瑊及李懷光戰于乾坑敗績是歲陳王珪薨

貞元元年正月丁酉大赦改元罷榷稅三月李懷光殺步軍兵馬使田仙浩都虞候呂鳴岳丁未李希烈陷鄧州殺唐鄧隋招討使黃金岳是春旱四月乙丑徙封諡爲舒王壬午渾瑊及李懷光戰于長春宮敗之丙戌馬燧渾瑊爲河中招撫使六月己丑幽州盧龍軍節度使朱滔卒涿州刺史劉怱自稱畱後辛卯劒南西川節度使張延賞爲中書侍郎同中書門下平章事戊子馬燧及李懷光戰于陶城敗之七月灞滻竭庚子大風拔木八月襲封配饗功臣子孫甲子以旱避正殿減膳甲戌李懷光伏誅己卯給復河中同絳二州一年馬燧爲侍中張延賞罷丙戌李希烈殺宣慰使顏真卿九月辛亥劉從一罷庚申幽州盧龍軍節度使劉怱卒其子

濟自稱畱後是秋雨木冰十一月癸卯有事于南郊大赦賜奉天興元扈從百官收京將士階勳爵

二年正月丙申詔減御膳之半賜貧乏者授以官壬寅盧翰罷吏部侍郎劉滋爲左散騎常侍給事中崔造中書舍人齊映同中書門下平章事二月癸亥山南東道節度使樊澤及李希烈戰于泌河敗之四月丙寅希烈伏誅甲戌雨上甲申給復淮西二年五月李希烈將李惠登以隨州降己酉地震六月癸未滄州刺史程日華卒其子懷直自稱觀察畱後是月淮西兵馬使吳少誠殺其節度使陳仙奇自稱畱後七月李希烈將薛翼以唐州降侯召以光州降八月丙子大雨雹丙戌吐蕃寇邠寧涇隴四州九月乙巳寇好畤李晟敗之于汧陽十月癸酉邠寧節度使韓游瓌又敗之于平川十一月甲午立淑妃王氏爲皇后丁酉皇后崩辛丑吐蕃陷

鹽州十二月丁巳陷夏州馬燧爲綏銀麟勝招討使庚申崔造罷  
甲戌以吐蕃寇邊避正殿

三年正月壬寅尙書左僕射張延賞同中書門下平章事壬子劉  
滋罷貶齊映爲夔州刺史兵部侍郎柳渾同中書門下平章事二  
月己卯華州潼關節度使駱元光克鹽夏二州甲申葬昭德皇后  
于靖陵三月丁未李晟爲太尉辛亥馬燧罷副元帥五月揚州江  
溢吳少誠殺申州刺史張伯元殿中侍御史鄭常閏月辛未渾瑊  
及吐蕃盟于平涼吐蕃執會盟副使兵部尙書崔漢衡殺判官殿  
中侍御史韓弇戊寅太白晝見六月吐蕃寇鹽夏二州丙戌馬燧  
爲司徒前陝虢觀察使李泌爲中書侍郎同中書門下平章事七  
月甲子朔方節度使杜希全爲朔方靈鹽豐夏綏銀節度都統壬  
申張延賞薨八月辛巳朔日有食之己丑柳渾罷戊申吐蕃寇青

石嶺隴州刺史蘇清沔敗之庚戌禁大馬出蒲潼武關九月丁巳  
吐蕃寇汧陽丙寅陷華亭及連雲堡十月甲申寇豐義韓游瓌敗  
之乙酉寇長武城城使韓全義敗之壬辰射生將韓欽緒謀反伏  
誅十一月己卯京師東都河中地震十二月庚辰獵于新店  
四年正月庚戌朔京師地震大赦刺史予一子官增戶墾田者加  
階縣令減選九品以上官言事壬申劉玄佐爲四鎮北庭行營涇  
原節度副元帥是月金房二州地震江湔山裂雨水于陳畱四月  
河南淮海地生毛己亥福建軍亂逐其觀察使吳詵大將郝誠溢  
自稱畱後五月吐蕃寇涇邠寧慶鄜五州六月己亥封子諤爲邕  
王七月庚戌渾瑊爲邠寧慶副元帥癸丑邠州軍亂邠寧都虞候  
楊朝晟敗之己未奚室韋寇振武是月河水黑八月霸水溢九月  
庚申吐蕃寇邠寧節度使張獻甫敗之冬築夾城是歲京師